



Pou Piblikasyon Imedya: 16/05/2022

GOUVÈNÈ KATHY HOCHUL

**DEKLARASYON GOUVÈNÈ KATHY HOCHUL NAN APÈL AK KOWÒDONATÈ
COVID-19 NAN MEZON BLANCH LAN KI SE DOKTÈ ASHISH JHA**

"Jodi a, mwen te pale ak kowòdonatè COVID-19 Mezon Blanch lan ki se doktè Ashish Jha sou eta pandemi an ak plan preparasyon Administrasyon an pou asire eta yo gen resous, founiti, ak rezo distribisyon ki nesesè pou jere vag potansyèl yo atravè peyi ak otòn sa a.

"Nou konnen zouti tankou vaksen, dòz rapèl, tès ak tretman yo te enpòtan anpil pou konbat COVID-19, reponn ak varyant yo, redui kantite moun ki entène lopital, ak sove lavi moun. Se poutèt sa mwen kontinye mande Kongrè a pou li adopte plis finansman federal, ki pral enpòtan anpil pou ede eta yo debloke plis resous ki nesesè pou varyant ak vag COVID-19 yo alavni.

"Nan nivo eta a, nou ap kontinye asire Nouyòkè yo gen aksè ak zouti sa yo. Nou te deja distribye plis pase 75 milyon tès COVID-19 san preskripsyon bay Nouyòkè yo nan dènye mwa yo, e nou te rasanble plis pou lavni. Nou kontinye fè patenarya ak Administrasyon an pou fè plis Nouyòkè konplètman pran vaksen ak dòz rapèl yo, epitou pou ankouraje opsyon tretman ki disponib yo pou majorite adilt ki ede anpeche moun entène lopital. Anplis de sa, mwen te mande ekip mwen an yon evalyasyon konplè nan men ajans eta nou yo sou preparasyon jeneral nou alavni. Vandredi dènye, mwen te pale ak ekzekitif konte yo sou plan preparasyon kontinyèl eta nou an yo, ak sou fason nou ka travay ansanm pou satisfè bezwen yo sou teren an.

"New York te devan liy nan batay nasyon an kont COVID-19 depi lontan, epi n ap kontinye kenbe Nouyòkè yo an sekirite, enfòme, ak prepare."

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)